



Broj: **02/3a**

Sarajevo: 24.11.2016. godine

**KOMISIJI ZA FINANSIJE I BUDŽET DOMA NARODA  
PARLAMENTARNE SKUPŠTINE  
BOSNE I HERCEGOVINE**

**Predmet:** Izvještaj sa konferencija na temu: „Uspostavljanje djelotvornih radnih odnosa između vrhovnih revizorskih institucija (VRI) i parlamenata“

Poštovani,

U Ankari, Turska, 8. i 9.11.2016. godine održana je međunarodna konferencija na temu: „Uspostavljanje djelotvornih radnih odnosa između vrhovnih revizijskih institucija (VRI) i parlamenata“. Na konferenciji je učestvovala članica Komisije za finansije i budžet Doma naroda Parlamentarne skupštine Bosne i Hercegovine Zdenka Džambas i stručna savjetnica u Komisiji, Dragana Ćirić. Domaćin konferencije bio je Turski revizorski sud.

Osnovni cilj Konferencije bilo je prezentovanje Smjernica za razvoj djelotvorne saradnje između vrhovnih revizorskih institucija i Parlamenata – dokumenta koji je izrađen na osnovu istraživanja koje je proveo Turski revizorski sud uz podršku SIGMA-e, a u kojemu se prezentovana iskustva 33 zemlje: članice EU, kandidata i potencijalnih kandidata za članstvo u EU u ovoj oblasti. Smjernice sadrže pregled primjera dobre prakse kao i alat za unapređenje odnosa i komunikacije između vrhovnih revizorskih institucija i parlamenata.

Tokom prvog dana Konferencije, prezentovane su dvije teme i održane dvije panel diskusije. Prva se odnosila na sami dokument - Smjernice za razvoj djelotvornih radnih odnosa između vrhovnih revizorskih institucija i parlamenata i iskustvima zemalja u ovom smislu, dok se druga, na kojoj je sudjelovala predstavica Komisije za finansije PS BiH, gđa Zdenka Džambas, bavila djelotvornim načinima komunikacije između vrhovnih revizorskih institucija i parlamenata.

Drugi dan konferencije bio je usmjeren na prezentacije na temu praćenja nalaza i preporuka vrhovnih revizorskih institucija u saradnji s parlamentom. Konstatovano je da rad revizije ima većeg učinka ukoliko parlamenti takođe prate realizaciju revizorskih izvještaja u izvršavanju budžetskog nadzora nad vladom koja im je povjerena.

Na Konferenciji je istaknuto da djelotvorni radni odnosi počinju različitim načinima saradnje u fazi planiranja godišnjih i višegodišnjih programa rada vrhovnih revizorskih institucija. S tim u vezi, rečeno je, veoma bitan je proces konsultacija po zahtjevima za revizijama i ograničavanjem broja revizija, informisanje parlamenata o programu rada vrhovnih revizorskih institucija i strateškim planovima revizija, organizovanje mogućnosti parlamentima da redovno osiguravaju ulazne informacije, povezivanje s nadležnim i drugim komisijama/odborima, kao i praćenje relevantnih diskusija u parlamentu u svrhu identifikovanja potencijalnih revizija.

S poštovanjem,

STRUČNA SAVJETNICA U KOMISIJI  
Dragana Ćirić

Dostavljeno:

- naslovu
- a/a